

Хөөдт көг тэвлгнэ тускар

Приозерн совхозин конторт күүн дүүрнэ. Эндр партийн хург. Цуглрсн коммунистн дунд комсомольцнр, хөөчнр, үкрчнр болн нань чигн көдлмшин өмн нүүрт йовгч амтс.

Хуртг искусствени көг тэвлгнэ төрт совхоз ягддж белдснэ туск төрэр күүндвр кегдв. Эн төрэр совхозин ах зоотехник Белобров А. Н. сонъсхвр кеснэ хөөн, коммунистнр, фермин гардачнр, хөөчнр босдж, үг келцхэв. Босдж келсн улс, совхоз хөөнэ искусствени көг тэвлгнэ муугъар белддж, кергтэ инвентармуд точксар зөөгддж өггдэд уга, хуцмудиннь чинань тату гидж темдглцхэв. Эн му белдвр, ах зоотехник Белобров А. Н. эн төрт муугъар оньган өгснэ аш гидж заацхав.

Хурт деер 11 күүн босдж үг келцхэв. Заагдсн дуту-дундсиг хойр хонгин дунд уурулдж, хөөнэ көг тэвлгнэ иг эклдж, нег сарин дунд сән чинртэгъэр күүцэхмн гидж тогтав. Эн көдлмшиг үкс гидж уралан йовулхин учрт, искусствени көг тэвлгнэ цуг точксар коммунистнр батлцхав.

САНДЖИН Эрнджән.